

# Folkpartiet:in EU-ohjelma Euruoppaparlamentti-vaahliin 20 maj-/toukokuuta – 7 kesäkuuta.

Folkpartiet otti ensimmäisenä kantaa Ruottin EU-jäsenyyden puolesta ja met olema siitä saakka puolustanhee euruuppalaista yhtheistyötä. Met uskoma Euruuphaan!

## 1. Euruuppa – jovain.

Yhtheistyö Euruupassa rikastuttaa Ruottia, tekkee meän mailmasta turvaliseman ja antaa meile maholisuuen ratkasta rajoja-ylittäviä prupleemia. Rauha, hyvä miljöö, turvalisuus ja kasvu (tillväxt) oon asioita joista selviämä paremin EU-yhtheistyön kautta.

Koko Euruupassa oon nyt ekonoominen kriisi. Eksportti-maale niinku Ruottile se oon rohki tärkeää ette kaupankäynti ja yhtheistyö Euruupassa toimii. Folkpartiet sannoo eurole, ette jovain. Ja niin sanoma yhtheistyöle turvaliseman ruan puolesta-ki. Ja euruuppalaisele FBI:le kans, sillä mallin saatama estää vakavia rikoksia.

## 2. Rikolisuus ei jää rajale. Euruuppalainen FBI – jovain.

Rikolisuus joka jakkautuu monhiin maihiin oon prupleemi joka vain kasvaa, niin Ruottissa ko muissa EU-maissa. Ihmisorjakauppa, knarkkijoppaus ja terrorismi oon kansanvälisen rikolisuusuen esimerkkiä ja joita tehään maffiakeinoila. Ette panna kiini rajat, ei ole mikhään alternatiivi.

Sen eestä Poliisi, tulli ja syyttäjät jäsenmaissa häätyvä saa pareman maholisuuen tehä yhtheistyötä ja vaihtaa tietoja yli rajoitten.

Sen takia met tarttema yhtheisen euruuppalaisen Poliisin jolla oon enämpi valtaa toimia.

## 3. Halvaama turvalisen ruan koko Euruupassa.

Kaikki kansalaiset häätyvä itte saa päättää, perätikki omasta ruasta. Tänä päivänä oon monta välikättä karkealta ja navetasta kauphoiin.

Meän häätyy tietää mitä met syömä, ja sen takia pakkauksitten sisältö-selvitykset häätyvä olla selvät. Prinsiippi oon rohki selvä. Sen mitä pake-tissa oon, häätyy kirjottaa teksthiin. Sen mitä teksti sannoo, häätyy olla paketissa. Ei enämpää, ei vähempää.

Sen takia EU häätyy koventaa ruokakontrollia.



## 4. Euro – jovain.

Folkpartiet uskoo aukeamphaan mailhmaan jossa on enämpi kaupankäyntiä ja ekonomista yhtheistyötä. Euro on tärkeä osa euruuppalaista yhtheistyötä. Sen näki perätikki syksyn 2008 finansikriisin aikana. Spekylasjuunitten ja valuuttakrii-sitten siasta, euromaat olit matkassa ja stabiliseerasit mailman markkinoita.

Tavalisele kansalaisele euro merkittee tasasempia asunto-ränntyjä ja kiinteän väkse-likursin ko reisaa ja ostaa tavaraa muista maista. Yrityksile euro merkittee laajem-pia markkinoita ja vähempi epävarmuutta ko investeraa. Yhtheinen valuutta tekkee kans ette hintoja on helpompi verrata. Sillä mallin kilpailu kasvaa ja hintoja saat-taa puottaa.

Sillä Ruottila onki korkea aika ottaa euro käythöön.

## 5. Hiilidioksiidi (koldioxid) ei jää rajale. Piämä ytinvoiman (kärnkraft).

Klimaatti-politiikan pohja häätyy olla kansanvälinen yhtheistyö ja ekonomiset ohjaus-keinot. Se pittää maksaa jos kasvihuonekaasuja (växthusgaser) päästää. EU häätyy olla johtava voima joka näyttää ette hyvä ekonominen kasvu ja samala kierästi pienentyvät päästöt on maholista.

Ytinvoima on puhas energia-lähe joka ei päästä kasvihuonekaasuja. Ilman sitä ei korkeita klimaatti-tuloksia saaja aikhaan. Sen takia Ruotti ja EU:n jäsenmaat tart-tevatki rakentaa uusia uuenaikhaisia ytinvoima-reaktoria vanhoitten eestä.

Folkpartiet ottaa klimaatti-uhat vakavasti. Sen takia halvaama pittää ytinvoiman.



[www.folkpartiet.se](http://www.folkpartiet.se)  
[mobil.folkpartiet.se](http://mobil.folkpartiet.se)  
[info@liberal.se](mailto:info@liberal.se)  
020-53 53 53